

卷下

竹書紀年卷上

黃帝軒轅氏

母曰附寶見大電繞北斗樞星光照郊野感

而孕二十五月而生帝於壽丘弱而能言龍

聖德効百神朝而使之應龍攻蚩尤戰

熊羆四獸之力以女魃止淫雨天下既

德光被羣瑞畢臻有屈軼之草生於庭

明范欽訂


梁沈約附註

書名 竹書紀年二卷 嘉靖中四明范氏天一閣刊本
撰者 梁沈約注, 明范欽訂
卷 卷下
內容分類 史-古史-竹書紀年
索書號 史部 編年-1
編號 B1452800

彩色首頁1

[東洋文化研究所漢籍目錄 編號: B1452800](#)
[東洋文化研究所漢籍目錄所藏漢籍善本文影像資料庫 索書號: 史部-編年-1](#)
[漢籍善本文影像資料庫文本竹書紀年二卷 嘉靖中四明范氏天一閣刊本](#)
版權所有: [東京大學](#) [東洋文化研究所](#)
[使用上的注意事項](#)

所究研京東院學化文方東
No. 523





竹書紀年卷下

周武王

名發初高辛氏之世妃曰姜嫄助祭郊禘見
大人迹履之當時歆如有人道感已遂有身
而生男以爲不祥棄之阨巷羊牛避而不踐
又送之山林之中會伐林者又取而置寒冰
上大鳥以一翼籍覆之姜嫄以爲異乃收養
焉名之曰棄枝頤有異相長爲堯稷官有功
於民后稷之孫曰公劉有德諸侯皆以天子

之禮待之。初黃帝之世，讖言曰：西北爲王期。在甲子，昌制命，發行誅，旦行道。及公劉之後，十三世而生季歷。季歷之十年，飛龍盈於殷之牧野。此蓋聖人在下位將起之符也。季歷之妃曰大任，夢長人感已，浚于豕牢而生昌。是爲周文王。龍顏虎肩，身長十尺，臂有四乳。大王曰：吾世當有興者，其在昌乎？季歷之兄曰太伯，知天命在昌，適越終身不反。弟仲雍從之，故季歷爲嗣。以及昌，昌爲西伯，作邑于

豐。文王之妃曰太姒，夢商庭生棘，太子發植梓樹於闕間，化爲松柏，椹柞以告文王。文王幣率羣臣與發，竝拜告夢。季秋之甲子，赤爵銜書及豐，置于昌戶。昌拜稽首，受其文，要曰：姬昌，蒼帝子，亡殷者紂。王將畋，史編卜之曰：將大獲，非熊非羆。天遣大師以佐昌。臣太祖史疇爲禹卜，畋得臯陶，其兆類此。至于磻溪之水，呂尚釣於涯。王下趨拜曰：望公七年，乃今見光景于斯。尚立變名荅曰：望釣得玉璜。

其文要曰。姬受命。昌來提。撰爾洛。鈴報在齊。尚出游。見赤人自洛出。授尚書。命曰召佐昌者子。文王夢日月著其身。又鸞鷲鳴於岐山。孟春六旬。五緯聚房。後有鳳凰銜書。游文王之都。書又曰。殷帝無道。虐亂天下。星命已移。不得復久。靈祇遠離。百神吹去。五星聚房。昭理四海。文王既沒。太子發代立。是爲武王。武王駢齒望羊。將伐紂。至于孟津。八百諸侯不期而會。咸曰。紂可伐矣。武王不從。及紂殺比干。囚箕子。微子去之。乃伐紂。度孟津中流。白魚躍入王舟。王俯取魚。長三尺。目下有赤文成字。言紂可伐。王寫以世字。魚文消。燔魚以告天。有火自天止于王屋。流爲赤烏。烏銜穀焉。穀者紀后稷之德。火者燔魚以告天。天火流下。應以告也。遂東伐紂。勝於牧野。兵不血刃。而天下歸之。乃封呂尚於齊。周德既隆。草木茂盛。蒿堪爲宮室。因名蒿室。既有天下。遂都于鎬。

十二年辛卯王率西夷諸侯伐殷敗之于毋野
王親禽受于南單之臺遂分天之明立受子祿
父是爲武庚○夏四月王歸于豐饗于太廟命
監殷遂狩於管○作大武樂

十三年巢伯來賓○薦殷于大廟遂大封諸侯
○秋大有年

十四年王有疾周文公禱于壇墠作金縢

十五年肅慎氏來賓○初狩方岳誥于涑邑○

冬遷九鼎于洛

十六年箕子來朝○秋王師滅蒲姑

十七年命王世子誦于東宮○冬十有二月王

陟年五十四

成王

名誦

元年丁酉春正月王卽位命冢宰周文公總百
官○庚午周公誥諸侯于皇門○夏六月葬武
王于畢○秋王加元服○武庚以殷叛○周文
公出居于東

二年奄人徐人及淮夷入于邳以叛○秋大雷電以風王逆周文公于郊遂伐殷

三年王師滅殷殺武庚祿父遷殷民于衛遂伐奄滅蒲姑姑與四國作亂故周文公伐之

四年春正月初朝于廟○夏四月初嘗麥○王師伐淮夷遂入奄

五年春正月王在奄遷其君于蒲姑○夏五月王至自奄○遷殷民于洛邑遂營成周

六年大蒐于岐陽

七年周公復政于王○春二月王如豐○三月

召康公如洛度邑○甲子周文公誥多士于成

周遂城東都○王如東都諸侯來朝○冬王歸

自東都○立高圉廟

八年春正月王初蒞阼親政○命魯侯禽父齊

侯伋遷庶殷于魯○作象舞○冬十月王師滅

唐遷其民于杜

九年春正月有事于太廟初用勺○肅慎氏來

朝王使榮伯錫肅慎氏命

十年王命唐叔虞爲侯○越裳氏來朝○周文公出居于豐

十一年春正月王如豐○唐叔獻嘉禾王命唐叔歸禾于周文公○王命周平公治東都

約按周平公卽君陳周公之子伯禽之弟

十二年王帥燕師城韓王錫韓侯命

十三年王師會齊侯魯侯伐戎○夏六月魯大禘于周公廟

十四年秦師圍曲城克之○冬洛邑告成

十八年春正月王如洛邑定鼎○鳳凰見遂有事于河

武王沒成王少周公旦攝政七年制禮作樂神鳥鳳凰見蓂莢生乃與成王觀于河洛沈璧禮畢王退俟至于日昃榮光竝出幕河青雲浮至青龍臨壇銜玄甲之圖坐之而去禮于洛亦如之玄龜青龍蒼光止于壇背甲刻書赤文成字周公援筆以世文寫之書成文消龜隨甲而去其言自周公訖于秦漢盛衰

之符麒麟遊苑鳳凰翔庭成王援琴而歌曰
鳳凰翔兮於紫庭余何德兮以感靈賴先王
兮恩澤臻于胥樂兮民以寧

十九年王巡狩侯甸方岳召康公從歸于宗周
遂正百官黜豐侯

二十一年除治象○周文公薨于豐

二十二年葬周文公于畢

二十四年於越來賓

二十五年王大會諸侯于東都四夷來賓○冬

十月歸自東都有事于太廟

三十年離戎來賓

約按離戎驪山之戎也爲林氏所伐告于成

王

三十三年王遊于卷阿召康公從歸于宗周○

命王世子釗如房逆女房伯祈歸于宗周

三十四年兩金于咸陽

約按咸陽天雨金三年國有大喪

三十七年夏四月乙丑王陟

康王

名釗

元年甲戌春正月王即位命冢宰召康公總百官諸侯朝于豐宮

三年定樂歌吉禘于先王申戒農官告于廟

六年齊太公薨

九年唐遷于晉作宮而美王使人讓之

十二年夏六月壬申王如豐錫畢公命○秋毛

懿公薨

十六年錫齊侯伋命○王南巡狩至九江廬山

十九年魯侯禽父薨

二十一年魯築茅闕門

二十四年召康公薨

二十六年秋九月己未王陟

昭王

名瑕

元年庚子春正月王即位復設象魏

六年王錫郇伯命○冬十二月桃李華

十四年夏四月恒星不見○秋七月魯人弑其君宰

十六年伐楚涉漢遇大兕

十九年春有星孛于紫微○祭公辛伯從王伐楚天大暄雉兔皆震喪六師于漢○王陟

穆王

名滿

元年己未春正月王即位作昭宮命辛伯餘靡

○冬十月築祗宮于南鄭

自武王至穆王享國百年穆王以下都于西

鄭

六年春徐子誕來朝錫命為伯

八年春北唐來賓獻一驪馬是生騶耳

九年築春宮

王所居有鄭宮春宮

十一年王命卿士祭公謀父

十二年毛公班共公利逢公固帥師從王伐犬

戎○冬十月王北巡狩遂征犬戎

十三年春祭公帥師從王西征次于陽紆○秋

七月西戎來賓○徐戎侵洛○冬十月造父御王入于宗周

十四年王帥楚子伐徐戎克之○夏四月王畋

于軍丘○五月作范宮○秋九月翟人侵畢

冬蒐于萍澤○作虎牢

十五年春正月留昆氏來賓○作重壁臺○冬

王觀于鹽澤

一作王幸安邑
觀鹽池非是

十六年霍侯舊薨○王命造父封于趙

十七年王西征昆侖丘見西王母其年西王母

來朝賓于昭宮○秋八月遷戎于太原

王北征行流沙千里積羽千里征犬戎取其

五王以東西征于青鳥所解

三危山

西征還履

天下億有九萬里

十八年春正月王居祗宮諸侯來朝

二十一年祭文公薨

二十四年王命左史戎夫作記

三十五年荆人入徐毛伯遷帥師敗荆人于洧

三十七年大起九師東至于九江架鼃鼃以為

遂伐越至于紆○荆人來貢

三十九年王會諸侯于塗山

四十五年魯侯濇薨

五十一年作呂刑命甫侯于豐

五十五年王陟于祗宮

共王

名繫

元年甲寅春正月王卽位

四年王師滅密

九年春正月丁亥王使內史良錫毛伯遷命

十二年王陟

懿王

名堅

元年丙寅春正月王卽位天再旦于鄭

七年西戎侵鎬

十三年翟人侵岐

十五年王自宗周遷于槐里

十七年魯厲公擢薨

二十一年虢公帥師北伐犬戎敗逋

二十五年王陟

懿王之世典居無節號令不時挈壺氏不能共其職諸侯於是攜德

孝王

名辟方

元年辛卯春正月王即位命申侯伐西戎

五年西戎來獻馬

七年冬大雨電江漢水牛馬死是年厲王生

八年初牧于沂渭

九年王陟

夷王

名燮

元年庚子春正月王即位

二年蜀人呂人來獻瓊玉賓于河用介珪

三年王致諸侯烹齊哀公于鼎

六年王獵于社林獲犀牛一以歸

七年虢公帥師伐太原之戎至于俞泉獲馬千

匹○冬雨雹大如礪○楚子熊渠代庸至于鄂
八年王有疾諸侯祈于山川○王陟

厲王

名胡

居坻有汾水焉
故又曰汾王

元年戊申春正月王即位作夷宮命卿士榮夷

公落○楚人來獻龜貝

三年淮夷侵洛王命虢公長父伐之不克○齊

獻公山薨

六年楚子延卒

八年初監諂芮伯良夫戒百官于朝

十一年西戎入于犬丘

十二年王亡奔彘國人圍王宮執召穆公之子

殺之

十三年王在彘共伯和攝行天子事

號曰
共和

十四年玁狁侵宗周西鄙○召穆公帥師追荆

蠻至于洛

十六年蔡武侯薨○楚子勇卒

十九年曹夷伯薨

二十二年大旱○陳幽公薨

二十三年大旱○宋僖公薨

二十四年大旱○杞武公薨

二十五年大旱○楚子嚴卒

二十六年大旱王陟于彘周定公召穆公立太

子靖爲王共伯和歸其國遂大雨

大旱旣久廬舍俱焚會汾王崩卜于太陽兆

曰厲王爲崇周公召公乃立太子靖共和遂

歸國和有至德尊之不喜廢之不怒逍遙得

志于共山之首

宣王

名靖

元年甲戌春正月王卽位周定公召穆公輔政

○復田賦○作戎車○燕惠侯薨

二年錫大師皇父司馬休父命○魯慎公薨○

曹公子蘇弒其君幽伯疆

三年王命大夫仲伐西戎○齊武公壽薨

四年王命蹶父如韓韓侯來朝

五年夏六月尹吉甫帥師伐玁狁至于太原○
秋八月方叔帥師伐荆蠻

六年召穆公帥師伐淮夷○王帥師伐徐戎皇
父休父從王伐徐戎次于淮○王歸自伐徐錫
召穆公命○西戎殺秦仲○楚子霜卒

七年王錫申伯命○王命樊侯仲山甫城齊
八年初考室○魯武公來朝錫魯世子戲命

九年王會諸侯于東都遂守于甫

十二年魯武公薨○齊人弑其君厲公無忌立

公子赤

十五年衛釐侯薨○王錫虢文公命

十六年晉遷于絳

十八年蔡夷侯薨

二十一年魯公子伯御弑其君懿公戲

二十二年王錫王子多父命居洛

二十四年齊文公赤薨

二十五年大旱王禱于郊廟遂雨

二十七年宋惠公覲薨

一十八年楚子狗卒

二十九年初不藉千畝

三十年有兔舞于鎬京

三十二年王師伐魯殺伯御命孝公稱于夷宮

○陳僖公孝薨○有馬化爲人

三十三年齊成公薨○王師伐太原之戎不克

三十七年有馬化爲狐○燕僖侯卒○楚子鄂

卒

三十八年王師及晉穆侯伐條戎奔戎王師敗

逋

三十九年王師伐姜戎戰于千畝王師敗逋

四十年料民于太原○戎人滅姜邑○晉人敗

北戎于汾隰

四十一年王師敗于申

四十三年王殺大夫杜伯其子隰叔出奔晉○

晉穆侯費生薨弟殤叔自立世子仇出奔

四十四年晉殤叔元年丁巳

十六年王陟

王

名涅

元年庚申春正月王即位○晉世子仇歸于晉
殺殤叔晉人立仇是為文侯○王錫太師尹氏

皇父命

二年辛酉晉文侯元年涇渭洛竭○岐山崩○初增賦

○晉文侯同王子多父伐郟克之乃居鄭父之

丘是為鄭桓公

三年王嬖褒姒○冬大震電

四年秦人伐西戎○夏六月隕霜○陳夷公夢

五年王世子宜臼出奔申○皇父作都于向

六年王命伯士帥師伐六濟之戎王師敗逋○

西戎滅蓋○冬十月辛卯朔日有食之

七年虢人滅焦

八年王錫司徒鄭伯多父命○王立褒姒之子

曰伯服為太子

九年申侯聘西戎及郟

年春王及諸侯盟于太室○秋九月桃杏實

王師伐申

十一年春正月日暈○申人鄩人及犬戎入宗
 周弑王及鄭桓公犬戎殺王子伯服執褒姒以
 歸申侯魯侯許男鄭子立宜臼于申虢公翰立
 王子余臣于攜是為攜王
二王並立
 武王滅殷歲在庚寅二十四年歲在甲寅定
 鼎洛邑至幽王二百五十七年共二百八十
 一年自武王元年巳卯至幽王庚午二百九

十二年

平王名宜臼

自東遷以後始紀晉事王即位皆不書

元年辛未王東徙洛邑錫文侯命晉侯會衛侯
 鄭伯秦伯以師從王入于成周

二年秦作西時○魯孝公薨○賜秦晉以邠岐
 之田

三年齊人滅祝○王錫司徒鄭伯命

四年燕傾侯卒○鄭人滅虢

秦襄公帥師伐戎卒于師○宋戴公薨

燕哀侯卒○鄭遷於溱洧

七年楚子儀卒

八年鄭殺其大夫關其思

十年秦還于汧渭

十三年魏武公薨

十四年晉人滅韓

十八年秦文公大敗戎師于岐來歸岐東之田

二十一年晉文侯殺王子余臣于攜

二十二年宋武公卒

二十四年秦作陳寶祠

二十五年晉文侯薨○秦初用族刑

二十六年丙申晉昭侯元年晉封其弟成師于曲沃

三十二年晉潘父弑其君昭侯納成師不克立

昭侯之子孝侯晉人殺潘父

三十三年癸卯晉孝侯元年楚人侵申

三十六年衛莊公卒○王人戍申

四十年齊莊公卒○晉曲沃桓叔成師卒子解

是為莊伯自是晉侯在翼稱翼侯

一年辛亥莊伯元年春大雨雪

四十二年狄人伐翼至于晉郊○宋襄公薨○魯惠公使宰讓請郊廟之禮王使史角如魯諭止之

四十七年晉曲沃莊伯入翼弑孝侯晉人逐之立孝侯子卻是為鄂侯

四十八年戊午晉鄂侯卻元年無雲而雷○魯惠公卒

四十九年己未魯隱公元年春秋始此魯隱公及邾莊公盟

于姑蔑

五十一年春二月乙巳日有食之○三月庚戌

王陟

桓王名林

元年壬戌十月莊伯以曲沃叛伐翼公子萬救翼荀叔軫追之至于家谷翼侯焚曲沃之禾而還翼侯伐曲沃大捷武公請成于翼至相而還

相一作桐

二年王使虢公伐晉之曲沃晉鄂侯卒曲沃莊公復改晉立鄂侯子光是為哀侯公子萬救翼

赤車追之至于家谷

三年甲子晉哀侯光元年

四年曲沃莊伯卒子稱立是為武公尚一軍

五年曲沃武公元年芮人乘京○荀人董伯皆叛曲沃

十一年晉小子侯元年曲沃獲晉哀侯晉人立哀侯子

為小子侯芮伯萬出奔魏萬之母逐萬

十二年王師秦師圍魏取芮伯萬而東之

十三年冬曲沃伯誘晉小子侯殺之晉曲沃滅

荀以其地賜大夫原氏黯是為荀叔戎人逆芮

伯萬于郊

十四年王命虢仲伐曲沃立晉哀侯弟緡于翼

為晉侯

十五年晉侯緡元年

十六年春滅翼

十九年鄭莊公卒

二十三年三月乙未王陟

莊王名佗

二十五年乙酉曲沃尚一軍異於晉

五月葬桓王

十五年王陟

釐王名胡齊

元年庚子春齊桓公會諸侯于北杏以平宋亂

三年曲沃武公滅晉侯緡以寶獻王王命武公

以一軍為晉侯

四年晉武公二十八年晉猶不與齊桓公之盟左傳註晉侯緡是年滅

五年晉武公卒子詭諸立為獻公王陟

惠王名閔

元年乙巳晉獻公元年晉獻公朝○王如成周周陽白

兔舞于市

二年王子頹亂王居于鄭鄭人入王府多取王

王化為蜮射人

九年晉城絳

十六年晉獻公作二軍滅耿以賜大夫趙夙滅

魏以賜大夫畢萬晉滅於大夫趙韓魏萌於此

十七年衛懿公及赤狄戰于洞澤洞當作洞

二十一年晉獻公會虞師伐虢滅下陽虢公醜奔

申瑕父呂甥邑于國都

二十五年春正月狄人伐晉○王陟

襄王

元年庚午晉獻公卒立奚齊里克殺之及卓子

立夷吾

二年

辛未晉惠公元年

晉殺里克

三年兩金于晉

七年秦伯涉河伐晉

十五年晉惠公卒子懷公圉立秦穆公帥師送

公子重耳圍令狐桑泉白衰皆降為秦師狐毛

與先軫禦秦至于廬柳乃謂秦穆公使公子繫

來與師言次子郇盟于軍公子重耳涉自河曲

十六年

乙酉晉文公元年

晉殺子圉

十七年晉城荀

二十年周襄王會諸侯于河陽

二十二年齊師逐鄭太子齒奔城張南鄭

二十四年晉文公卒

二十五年

甲午晉襄公驪元年

洛絕于洶

三十一年晉襄公卒

三十二年 辛丑晉靈公
夷臯元年

三十三年王陟

頃王

元年癸卯

六年彗星入北斗○王陟

匡王

元年己酉

六年王陟○晉靈公為趙穿所殺趙盾使穿逆

公子黑臀于周立之

定王

元年乙卯 晉成公
元年

六年晉成公與狄伐秦獲秦謀殺之絳市六日

而蘇

七年晉成公卒于扈

八年 壬戌晉景
公元年

齊國佐來獻王磬紀公之廩

二十一年王陟

簡王

元年丙子

五年晉景公卒

六年辛巳晉厲公元年

十三年晉厲公卒○楚共王會宋平公于湖陽

十四年巳丑晉悼公元年王陟

靈王

元年庚寅

十四年晉悼公卒

十五年甲辰晉平公元年

二十七年王陟

景王

元年丁巳

十三年春有星出婺女○十月晉平公卒

十四年庚午晉昭公元年河水赤于龍門三里

十九年晉昭公卒○冬十二月桃李花

二十一年晉頃王元年

五年晉頃公平王室亂立敬王

敬王

元年壬午

八年晉頃公卒

九年庚寅晉定
公元年

十四年漢不見于天

二十六年晉青虹見

二十八年洛絕于周

二十六年淇絕于舊衛

三十九年晉城頓丘

四十三年宋殺其大夫皇瑗于丹水之上丹水

壅不流

四十四年王陟

元王

元年丙寅晉定公卒

二年晉出公
元年

四年於越滅吳

晉會絕于梁丹水三日絕不流

齊人襲人伐衛○王陟

貞定王

元年癸酉於越徙都瑯琊

四年十一月於越子勾踐卒是為莖執次鹿郢

立

六年晉河絕于扈

七年晉荀瑶城南梁一本出公二十年

十年於越子鹿郢卒不壽立

十一年晉出奔齊

十二年河水赤三日○荀瑶伐中山取窮魚之

丘

十三年晉韓龐取秦武城

十六年晉出公二十二年

十七年晉出公薨乃立昭公之孫是為敬公

十八年巳丑晉敬公元年

二十年於越子不壽見殺是為盲姑次朱勾立

二十二年楚滅蔡

二十四年楚滅杞

八年敬公十一年王陟

考王

元年敬公十年魏文侯立

十年楚滅莒

十一年晉敬公卒

十二年晉幽公柳元年魯悼公卒

十四年魯季孫會晉幽公于楚丘

十五年王陟

威烈王

元年丙辰

三年晉大旱地生鹽

五年晉丹水出反潔

六年晉大夫秦嬴賊幽公於高寢之上魏文侯

立幽公子止

七年壬戌晉烈公元年趙獻子城泫氏韓武子都平陽

八年趙城平邑

九年楚人伐我南鄙至于上洛

一 羊田公子居思伐邯鄲圖平邑○於越滅

十二年於越子朱勾伐郟以郟子鳩歸

十四年於越子朱勾卒子翳立

十六年齊田盼及邯鄲韓舉戰于平邑邯鄲之

師敗逋遂獲韓舉平邑新城

十七年魏文侯伐秦至鄭還築汾陰郃陽○田

悼子卒田布殺其大夫公孫孫公孫孫以廩丘

叛于趙田布圍廩丘翟角趙孔屑韓氏救廩丘

及田布戰于龍澤田師敗逋

十八年王命韓景子趙烈子及我師伐齊入長

垣

二十三年王命晉卿魏氏趙氏韓氏為諸侯

二十四年王陟

安王

元年庚辰

九年晉烈公卒子桓公立韓非子作桓侯

十年己丑晉桓公頃元年

上 魏文侯卒在位五十年 ○大風晝昏 ○晉太

古出奔

十六年

乙未魏武侯擊元年

封公子緩

二十一年韓滅鄭哀侯入于鄭

二十三年於越遷于吳

二十六年王陟○魏城洛陽及安邑王垣○七

月於越太子諸咎弒其君翳○十月越人殺諸

咎越滑吳人立孚錯枝為君

烈王

元年丙午魏公子緩如邯鄲以作難

邯鄲趙地名

○

於越大夫寺區定越亂立初無余是為莽安

二年秦胡蘇帥師伐韓韓將韓襄敗胡蘇于酸

水○魏觴諸侯于范臺○晉桓公邑哀侯于鄭

○韓山堅賊其君哀侯

六年

辛亥梁惠成王元年

韓共侯趙成侯遷晉桓公于屯

留

以後更無晉事

○趙成侯偃韓懿侯若伐我葵

鄆城

七年王陟○我師伐趙圍蜀陽○齊田壽帥師

伐我圍觀觀降○魏大夫王錯出奔韓

王

年癸丑鄭城邢丘

自此韓改稱曰鄭

○秦子向命為

藍君

二年河水赤于龍門三日

三年公子景賈帥師伐鄭韓明戰于韓我師敗

逋

四年夏四月甲寅徙邦于大梁○王發逢忌之

數以賜民○於越寺區弟思弒其君莽安次無

顯立

五年雨碧于郢地忽長十丈有餘高尺半

六年我師伐邯鄲取列人我師伐邯鄲取肥○

雨黍于齊

七年我與邯鄲趙榆次陽邑○王會鄭釐侯于

巫沙

八年入河水于圃田又為太溝而引圃水瑕陽

人自秦導岷山青衣水來歸

九年秦師伐鄭次于懷○城殷

十年楚師出河水以水長垣之外○龍賈帥師

長城于西邊○鄭取屯留尚子

一年鄭釐侯使許息來致地平丘戶牖首垣諸邑及鄭馳地我取枳道與鄭鹿王及鄭釐侯盟于巫沙以釋它陽之圍歸釐于鄭

十二年魯恭侯宋桓侯衛成侯鄭釐侯來朝○於越子無顛卒是為莢蠲卯次無疆立

十三年邶鄆成侯會燕成侯于安邑

十四年秦公孫壯伐鄭圍焦城不克秦公孫壯帥師城上枳安陵山民邶鄆伐衛取漆富兵城之○齊師及燕戰于洵水齊師遁

十五年齊田期伐我東鄙戰于桂陽我師敗逋

○東周與鄭高都鄭釐侯來朝中陽○宋景鼓衛公孫倉會師圍我襄陵

十六年王以韓師諸侯帥縣于襄陵○齊侯使楚景舍來求成○邶鄆之師敗我師于桂陵秦伐

韓闕與惠成王使趙破之不知是何年

十七年燕伐趙圍濁鹿趙靈王及代人救濁鹿

敗燕師于勺晉取玄武濩澤即雷澤舜漁處

八年齊築房以為長城

九年王如衛命公子南爲侯

二十年

二十一年魏殷臣趙公孫衰伐燕還取夏屋城
曲逆

二十二年壬寅孫何侵楚人三戶乳楚伐徐州
二十三年魏章帥師及鄭師伐楚取上蔡○孫
何取滎陽○秦孝公會諸侯于逢澤○絳中地
墜西絕于汾

二十四年魏敗韓馬陵

五年

十六年穰疵帥師及鄭孔夜戰于梁赫鄭師
敗逋與齊田盼戰于馬陵

二十七年五月齊田盼及宋人伐我東鄙圍平
陽

九月秦衛鞅伐我西鄙○十月邯鄲伐我北鄙
○王攻衛鞅我師敗逋

二十八年城濟陽○秦封衛鞅于鄆改名曰尚
十九年邳遷于薛○三月爲大溝于北郭以

圃田之水

三十年

三十一年秦蘇胡帥師伐鄭韓襄敗秦蘇胡于

酸水 不知何年附此

三十二年

三十三年鄭威侯與邯鄲圍襄陵

三十四年魏惠成王三十六年改元稱一年○

王與諸侯會于徐州○於越子無疆伐楚

三十五年楚吾得帥師及秦伐鄭圍綸氏 不知何年

附此

三十六年楚圍齊於徐州遂伐於越殺無疆

三十七年

三十八年龍賈及秦師戰于雕陰我師敗逋○

王會鄭威侯于巫沙

三十九年秦取我汾陰皮氏

四十年

四十一年秦歸我焦曲沃

四十二年九鼎淪泗沒于淵

四十二年

四十三年

四十四年 楚敗我襄陵

四十五年

四十六年

四十七年

四十八年 王陟 慎靚王

元年 辛丑 秦取我曲沃平周

二年 魏惠成王薨

三年 今王元年

四年

五年

六年 鄭侯使韓辰歸晉陽及向 ○ 二月 城陽向 更名陽為河雍 向為高平

隱王

史記作赧王名延 蓋赧隱聲相近

元年 丁未 十月 鄭宣王來朝 梁 燕子之殺公子

平不克 齊師殺子之 醢其身

千 齊地景長長丈餘高一尺 ○ 魏以張儀為

三年韓明帥師伐襄丘○秦王來見于蒲坂關
 ○四月越王使公師隅來獻舟三百箭五百萬
 及犀角象齒○五月張儀卒

四月翟章伐衛○魏敗趙將韓舉

五年洛入成周山水大出

六年十月大霖雨疾風河水酸棗○楚庶章帥
 師來會我次于襄丘

七年翟章救鄭次于南屈

此年未的

八年秦公孫爰帥師伐我皮氏翟章帥師救皮
 氏圍疾西風

九年城皮氏

十年

十一年

十二年秦拔我蒲坂晉陽封谷

十三年邯鄲命吏大夫奴遷于九原將軍大夫
 適子代史皆貂服

年

二十六年薛侯來會王于釜丘○楚入雍氏楚人

敗

十六年王與齊王會于韓○今王終二十年

竹書紀年卷下終



馬洋
所
圖
書

所圖畫

